

"মিষ্টি বাচ্চারা - তোমাদের ভালোবাসা আত্মার সাথে হওয়া উচিত, চলতে-ফিরতে অভ্যাস করো, আমি আত্মা, আমি আত্মার সাথে কথা বলি, অবশ্যই আমি কোনও মন্দ কাজ করিনা।"

প্রশ্নঃ - বাবা দ্বারা রচিত যন্ত্র যতদিন চলবে ততদিন পর্যন্ত বাবার কোন নির্দেশ ব্রাহ্মণদের অবশ্যই পালন করতে হবে ?

উত্তরঃ - বাবার নির্দেশ - বাচ্চারা, যতদিন এই রুদ্র যন্ত্র চলে ততদিন তোমাদের অবশ্যই পবিত্র থাকতে হবে। তোমরা, ব্রহ্মার বাচ্চারা ব্রহ্মাকুমার কুমারী কখনও বিকারের পথে যেতে পারোনা। যদি কেউ এই নির্দেশ অবজ্ঞা করো তবে খুব কড়া শাস্তি পেতে হবে। যদি কারও মধ্যে ক্রোধেরও অশুভ শক্তি থাকে তাহলেও সে ব্রাহ্মণ নয়। ব্রাহ্মণকে দেহী-অভিমানী হতে হয় এবং কখনও বিকারের বশীভূত না হওয়া, ব্রাহ্মণের একান্ত করণীয়।

গীতঃ- ও দূরদেশী পান্থ ,

ওম্ শান্তি । দূরদেশী পথিককে তোমরা ব্রাহ্মণ ব্যতীত অন্য কেউ জানতে পারনা। লোকে তাঁকে ডাকে - হে পরমধাম নিবাসী পরমপিতা পরমাত্মা এসো। পিতা বলেন যে, তারা তাঁকে বাবা ডাকে, কিন্তু তাদের বুদ্ধিতে আসেনা পিতার রূপ কি বা আত্মা কি ! যদিও তারা বুঝতে পারে, আত্মা উজ্জ্বল তারার মতো ক্রকুটির মাঝে থাকে। ব্যস্ ! তারা আর অন্যকিছু জানেনা। আমরা - আমাদের মধ্যে ৮৪ জন্মের পার্ট লিপিবদ্ধ করা আছে। মানুষের এইসব বিষয়ের কোনও জ্ঞান নেই। এমনকি, আত্মা শরীরে কিভাবে প্রবেশ করে, তাও জানেনা। গর্ভের মধ্যে নড়াচড়া হলে তখন তোমরা বুঝতে পারো যে আত্মা প্রবেশ করেছে। যখন তোমরা পরমপিতা পরমাত্মা বলে, তখন এটা আত্মাই বলে, বাবা ! আত্মা জানে যে এই শরীর জাগতিক পিতার দ্বারা দেওয়া হয়েছে। আমাদের বাবা নিরাকার। নিশ্চিত, আমাদের বাবাও আমাদের মতোই বিন্দু হবেন। মানুষও তাঁর মহিমা গায়। তিনি মনুষ্য সৃষ্টির বীজ। তিনি জ্ঞানের সাগর, পতিত পাবন। যাই হোক, তিনি কত বড় বা ছোট, তা'সবার বুদ্ধিতে বসেনা। আগে তোমাদের বুদ্ধিতেও ছিলনা আত্মা কি ! তোমরা পরমাত্মাকে স্মরণ করা সত্ত্বেও, তোমরা কিছু জানতে না। বাবা তো নিরাকার, তাহলে তিনি কিভাবে পতিত-পাবন হবেন ? তিনি কি জাদু করেন ! পতিতকে পবিত্র বানাতে তাঁকে অবশ্যই আসতে হয়। ঠিক যেমন আমরা-আত্মারা শরীরের মধ্যে থাকি, একইভাবে নিরাকার বাবাকে শরীরের মধ্যে প্রবেশ করতেই হয়। এই কারণে মানুষ শিবরাত্রি বা শিব জয়ন্তী উত্সব পালন করে। যেমনই হোক, কেউ জানেনা তিনি কিভাবে এসে আমাদের পবিত্র করেন ! আর এই কারণে তারা বলে তিনি সর্বব্যাপী। প্রদর্শনীতে বা কোথাও তোমরা যখন ভাষণ ইত্যাদি করতে যাও, সর্বাগ্রে বাবার পরিচয় দাও, তারপরে আত্মার। আত্মার অধিষ্ঠান ক্রকুটির মধ্যভাগে। সমস্ত সংস্কার আত্মায় থাকে। শরীরের বিনাশ হয়। তোমরা যা কিছু করছ তা' আত্মাই করে। শরীরের অরগ্যান্স আত্মার ওপর নির্ভর করেই কাজ করে। রাতে আত্মা অশরীরি হয়ে যায়। আত্মাই বলে, আমি আজ খুব ভালো করে বিশ্রাম নিয়েছি অথবা আমি আজ বিশ্রাম নিতে পারিনি। আমি এই শরীর দ্বারা ব্যবসা ইত্যাদি করি। বাচ্চারা তোমাদের এই অভ্যাস ধীরে ধীরে মনে সঞ্চারিত হওয়া উচিত, আত্মাই সবকিছু করে। আত্মা শরীর থেকে বেরিয়ে গেলে, তাকে শব বলা হয়। তখন সেই শরীর আর কাজের থাকেনা। আত্মা যখন শরীর ছেড়ে দেয়

শরীরে তখন দুর্গন্ধ হয় । তারপর তারা দেহ নিয়ে জ্বালিয়ে দেয় । অতএব, তোমাদের ভালোবাসা আত্মার সাথে । বাচ্চারা, তোমাদের শুদ্ধ অভিমান থাকা উচিত যে, তোমরা আত্মা । তোমাদের সম্পূর্ণরূপে আত্ম-অভিমानी হতে হবে । এর জন্যই সমস্ত মেহনত চাই । এই অরগ্যান্স দ্বারা আমি আত্মা অবশ্যই কোন খারাপ কাজ করবনা । নয়তো, শাস্তি পেতে হবে । আত্মা যখন শরীরে থাকে তখনই দুঃখ-যন্ত্রনা ভোগ করতে হয় । শরীর বিনা আত্মা দুঃখভোগ করতে পারেনা । সুতরাং, প্রথমে আত্ম-অভিমानी এবং পরে পরমাত্ম-অভিমानी হও । আমি পরমপিতা পরমাত্মার সন্তান । লোকে বলে যে, পরমাত্মা তাদের রচনা করেছেন । তিনি রচয়িতা, কিন্তু কেউ জানেনা তিনি কিভাবে রচনা করেন । তোমরা এখন জানো পুরানো দুনিয়ায় থেকে পরমপিতা পরমাত্মা কিভাবে নতুন দুনিয়ার স্থাপনা করেন ! দেখ ! কত চমত্কার এই রীতি ! তারা তো প্রলয় দেখিয়ে দিয়েছে ! তারা বলে পিপুল পাতায় ভেসে ছোট বালক এসেছিল, কিন্তু তারা সেই ছোট বালককে দেখায় না । একেই বলা হয়ে থাকে অজ্ঞান । তারা বলে, ভগবান শাস্ত্র বানিয়েছেন । ব্যাস তো ভগবান হতে পারেননা ! ভগবান বসে বসে কি শাস্ত্র লিখেছেন ? তাঁর মহিমা করা হয় যে, তিনি সব শাস্ত্রের সার বুঝিয়ে দেন । যাই হোক, বেদ , শাস্ত্র পড়ে কারও লাভ হয়না । উদাহরণস্বরূপ বলা যায়, যাদের ব্রহ্মতত্ত্বের জ্ঞান আছে, তারা ভাবে যে তারা ব্রহ্মতত্ত্বে লীন হয়ে যাবে । ব্রহ্ম তো মহতত্ত্ব, যেখানে আত্মারা থাকে । এইসব না জানার কারণে যা তাদের মনে আসে বলতে থাকে এবং অন্যান্য মানুষও বলতে থাকে যে সেইসব সত্যি ! বহু মানুষ হঠযোগ, প্রাণায়াম ইত্যাদি করে । কিন্তু তোমরা সেসব করতে পারোনা । তোমরা কি কোমল কন্যাদের এবং মাতাদের সেই কষ্ট দিতে পারো ? প্রথমদিকে মাতারা কখনও রাজবিদ্যা পড়ত না ! তাদেরকে ভাষা শেখার জন্য স্কুলে পাঠানো হতো, কিন্তু তারা চাকরীতে যেতনা । এখন তাদের পড়াশোনা করতে হয়, যাতে উপার্জন করার কেউ না থাকলে তারা স্বাবলম্বী হতে পারে, ভিক্ষা না করতে হয় ! তা নয়তো সাধারণতঃ কন্যাদের ঘরের কাজ শেখানো হতো । এখন ব্যারিস্টার, ডাক্তার হওয়ার জন্য তারা লেখাপড়া শেখে । এখানে তোমাদের কোনকিছু করতে হয়না । প্রথম-প্রথম কেউ যখন এখানে আসে তাদের শুধু বাবার পরিচয় দাও । নিরাকারকে সবাই শিববাবা বলে, কিন্তু কেউ জানেনা তাঁর রূপ কি ! ব্রহ্ম হলো তত্ত্ব । উদাহরণস্বরূপ বলা যায়, আকাশ কত বিশাল, তোমরা এর অন্তে পৌঁছাতে পারবে না ! ঠিক সেইরকমই ব্রহ্মতত্ত্বও অন্তহীন ! এর ছোট একটা অংশে আমরা আত্মারা থাকি । আর বাকি সবটা মহাকাশ ! সাগরও বিশাল ; এর কোনও সীমা নেই । তোমরা মহাকাশের অন্তে পৌঁছাতে পারবে না । বিজ্ঞানীরা সেখানে যেতে চেষ্টা করেছে, কিন্তু যেতে যেতে তাদের জ্বালানি নিঃশেষ হয়ে যায় ! ঠিক একইভাবে মহাতত্ত্ব অতি বৃহৎ । যখন তোমরা সেখানে যাও, কিছু খোঁজার প্রয়োজন হয়না ! সেখানে আত্মাদের এই বিচার করারও প্রয়োজন নেই, খুঁজে লাভ কি হবে ! তারা যেমন স্টারের মধ্যে বিশ্ব খোঁজে, কিন্তু এতে লাভই বা কি ! সেখানে বাবাকে পাওয়ার কোনও রাস্তা নেই । ভক্তরা ভক্তি করে ভগবানকে পাওয়ার জন্যে । সুতরাং, তারা ভগবানকে পায় । তিনি মুক্তি, জীবনমুক্তি দেন । ঈশ্বরকে খুঁজতে হয়, নাকি মহাকাশ, যেখানে তোমরা কোনকিছু খুঁজে পাওনা । গভার্নমেন্ট কত খরচ করে ! এই হলো অলমাইটি গভার্নমেন্ট । না পাওব আর না কৌরবকে মুকুটসহ দেখানো হয়েছে ! বাবা এসে তোমাদের সবকিছু বুঝিয়ে দেন । তোমরা যখন এতসব নলেজ পাচ্ছ, তবে তোমাদের অনেক খুশিতে থাকা উচিত যে এই পড়া বেহদের বাবা স্বয়ং আমাদের পড়াচ্ছেন । তোমরা আত্মারা বলা যে তোমরা আগে দেবী-দেবতা ছিলে । তোমরা তখন খুব সুখী ছিলে, তোমরা ছিলে পুণ্য আত্মা ! এখন আমরা পাপ আত্মা হয়েছি কারণ, এটা রাবণরাজ্য । সবাই রাবণের মতে চলে । তোমরা চলো ঈশ্বরীয় মতে । রাবণও গুপ্ত এবং ঈশ্বরও গুপ্ত । এখন ঈশ্বর তোমাদের মতনির্দেশ দেন । রাবণ কেমন মত দেয় ? রাবণের তো কোনও রূপ নেই,

কিন্তু সে তো রূপ ধরে ! রাবণের অনেক রূপ আছে । তোমরা জানো, তোমাদের পাঁচ বিকার আছে, যার জন্য তোমরা আসুরিক মতে চলছ । মেল - ফিমেল উভয়ের মধ্যেই পাঁচ বিকার আছে । এইসব কথা মানুষের বুদ্ধিতে তখনই বসবে যখন তারা জানবে নিরাকার পরমপিতা পরমাত্মা আমাদের পড়াচ্ছেন । পরমাত্মা নিরাকার ! একমাত্র তিনি যখন সাকারে আসেন তখনই আমরা ব্রাহ্মণ হতে পারি । বাবা আসেন রাতের বেলায় ! শিবরাত্রিও ব্রহ্মারাত্রি হয়ে যায় । ব্রহ্মা দ্বারা ব্রাহ্মণ রচিত হয় । যজ্ঞের জন্য অবশ্যই ব্রাহ্মণের প্রয়োজন । ব্রাহ্মণদের যতক্ষণ যজ্ঞের রক্ষণাবেক্ষণ করতে হয় ততক্ষণ তাদের পবিত্র থাকতে হবে । এমনকি জাগতিক ব্রাহ্মণও যখন যজ্ঞ রচনা করে, বিকারে যায়না । যদিও তারা সাধারণতঃ বিকারে থাকে, কিন্তু যখন যজ্ঞ রচনা করে তারা বিকারকে প্রশ্রয় দেয়না । একইভাবে, মানুষ যখন তীর্থে যায়, তারা তীর্থে থাকাকালীন বিকারকে প্রশ্রয় দেয়না । তোমরা ব্রাহ্মণরাও এই যজ্ঞের রক্ষক, সুতরাং যদি তোমরা অসংযত হও তবে পাপ আত্মায় পরিণত হবে । যজ্ঞ এখনও চলছে, সুতরাং, শেষ পর্যন্ত তোমাদের পবিত্র থাকতে হবে । ব্রহ্মাকুমার-কুমারী, ব্রহ্মার বাচ্চারা অবশ্যই কখনো অসংযমী হয়োনা । বাবা একটা ফরমান জারি করেছেন, তোমরা কখনও অসংযমী আচরণ করোনা । তানাহলে, অনেক শাস্তি ভোগ করতে হবে । যখন তোমরা অবাধে নিজের ইচ্ছা চরিতার্থ করো, সবকিছু সম্পূর্ণভাবে ধ্বংস হয়ে যায় । এমন কেউ ব্রহ্মাকুমার -কুমারী হতে পারেনা, কিন্তু তারা শূদ্র, অনার্য । বাবা তোমাদের নিরন্তর মনে করিয়ে দেন যে, তোমরা প্রতিজ্ঞা করেছিলে পবিত্র থাকবে ! যদি ব্রাহ্মণ হওয়ার পর বাবার কাছে প্রতিজ্ঞা করে, তোমরা যথেষ্টাচার করো, তাহলে চণ্ডালের জন্ম পেতে হবে । এখানে গণিকাসম অধিকতর খারাপ জন্ম হয়ই না । এটা গণিকালয়, যেখানে পুরুষ এবং স্ত্রী উভয়েই একে অপরকে বিষ দিচ্ছে । মায়া যত সংকল্পই আনুক না কেন, কোনও সমস্যা নেই, কিন্তু তোমরা অসংযত হয়ে নিজেদের কলঙ্কিত করোনা । কেউ কেউ বলপ্রয়োগ করে । কন্যাদের তত শক্তি থাকেনা । পবিত্রতার সাথে তোমাদের আচরণও খুব ভালো হতে হবে । তোমাদের আচার-আচরণ খারাপ হলে তোমরাও আর কোনও কাজের থাকবে না । লৌকিক মাতাপিতা অসংযমী হলে বাচ্চারাও তাদের থেকে শেখে । পারলৌকিক বাবা তোমাদের সেইরকম শিক্ষা দেননা । বাবা তোমাদের দেহী-অভিমানী বানান । কখনও ক্রোধ করোনা । ক্রোধের সময় তোমরা ব্রাহ্মণ নও, চণ্ডাল ; কারণ ক্রোধের অশুভ শক্তি কাজ করে ! এই অশুভ শক্তিই মানুষের দুঃখের কারণ । বাবা বলেন, ব্রাহ্মণ হওয়ার পর কোনরকম আসুরিক কিছু করোনা । বিকারকে প্রশ্রয় দিয়ে তোমরা যজ্ঞকে অপবিত্র করো, এই বিষয়ে তোমাদের অত্যন্ত সতর্ক থাকতে হবে ! ব্রাহ্মণ হওয়া তোমাদের মাসীর বাড়ী বেড়াতে যাওয়ার মতো সহজ নয় ! এই যজ্ঞে থেকে অবশ্যই কোনও খারাপ কর্ম করবে না । পাঁচ বিকারের একটা বিকারও যেন না থাকে । ভেবোনা যে তোমাদের ক্রোধিত হওয়া কোন সমস্যা নয় ! যদি তোমরা অশুভ শক্তি আসতে দাও, তার অর্থ তোমরা ব্রাহ্মণ নও । কেউ কেউ বলে, এই লক্ষ্য অনেক উঁচু । যদি তোমরা এখানে চলতে না পারো তবে এখান থেকে বেরিয়ে গিয়ে নিজেদের মনের ইচ্ছা চরিতার্থ করো ! এই জ্ঞানে সদা তোমাদের পবিত্র এবং হর্ষিত থাকতে হবে । তোমরা পতিতপাবন বাবার বাচ্চা হওয়ার পরে তাঁকে সহায়তা করতে হবে ; কোনরকম বিকার থাকা উচিত নয় । কেউ কেউ এখানে আসার সাথে সাথে মুহূর্তমধ্যে বিকার ত্যাগ করে । বোঝা উচিত তোমরা রুদ্র জ্ঞান যজ্ঞের ব্রাহ্মণ ! তোমরা অবশ্যই এমন কাজ করোনা যাতে তোমাদের বিবেক দংশন হয় । তোমাদের হৃদয়রূপী দর্পণে দেখ তোমরা উপযুক্ত হয়েছ কিনা ! ভারতকে পবিত্র বানানোর আমরা নিমিত্ত, সুতরাং নিশ্চয়ই যোগে থাকা উচিত । সন্ন্যাসী মানুষ শুধু পবিত্র হয় কিন্তু বাবার সম্বন্ধে কিছুই জানেনা । অনেক লোকে হঠযোগ ইত্যাদি করে, কিন্তু কিছু লাভ হয়না । তোমরা জানো, বাবা এসেছেন আমাদের শান্তিধামে নিয়ে যাওয়ার জন্য । আমরা আত্মারা

সেখানকার নিবাসী । আমরা সুখধামে ছিলাম, এখন দুঃখধামে আছি । এখন সপ্তমযুগ - তোমরা যদি নিরন্তর এইভাবে স্মরণে থাকো তাহলে সর্বদা তোমাদের মুখে হাসি থাকবে । যেমন দেখ ব্যাঙ্গালোরের এই অঙ্গনা বসি সবসময় হাসছে । 'বাবা' বললেই খুশিতে ভরপুর হয়ে যায় । তার এতেই খুশি যে সে বাবার বাচ্চা ! যাদের সাথেই তোমাদের দেখা হোক তাদের জ্ঞান দিতে থাকো । হ্যাঁ, কেউ কেউ হয়তো তোমাকে পরিহাস করবে কেননা এইসব নতুন কথা কেউই জানেনা, ভগবান এসে আমাদের পড়ান । কৃষ্ণ কখনও এসে পড়ান না । আচ্ছা !

মিষ্টি -মিষ্টি হারানিধি (সিকিলধে) বাচ্চাদের প্রতি মাতাপিতা বাপদাদার স্মরণ-স্নেহ এবং গুড মর্নিং । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার:-

১) রুদ্র জ্ঞান যন্ত্রের ব্রাহ্মণ হয়ে এমন কোনও কাজ করবেনা যার জন্য বিবেক দংশন হয় । কোনরকম বিকার বশীভূত হয়োনা ।

২) পতিত -পাবন বাবার প্রকৃত সহায়ক হওয়ার জন্য সদা পবিত্র এবং হর্ষিত থাকতে হবে । জ্ঞানের স্মরণে থেকে সদা হাস্যময় হতে হবে ।

বরদান:- মন-বুদ্ধি -সংস্কার বা সর্ব কর্মেন্দ্রিয়কে নিয়মনীতি অনুসারে চালিত করে স্বরাজ্য অধিকারী ভব

স্বরাজ্য অধিকারী আত্মারা নিজের যোগের শক্তি দ্বারা সব কর্মেন্দ্রিয়কে তাদের অর্ডারে নিয়ন্ত্রণ করে । না, শুধু এই স্থূল কর্মেন্দ্রিয় নয় , মন -বুদ্ধি -সংস্কারও রাজ্য অধিকারীর ডাইরেকশনে অথবা নিয়মনীতিতে চলে । তারা কখনও সংস্কারের বশে থাকেনা বরং সংস্কারকে নিজের বশে করে শ্রেষ্ঠ নীতি অনুযায়ী কাজে প্রয়োগ করে, সম্পর্ক-সম্বন্ধের মধ্যেও তাদের ব্যবহারে শ্রেষ্ঠ সংস্কার প্রকাশ পায় । স্বরাজ্য অধিকারী আত্মারা স্বপ্নেও ভুলপথে চালিত হবেনা ।

স্লোগান:- নির্মাণের বিশেষত্বকে ধারণ করলে তোমরা সদা সাফল্য অর্জন করতে পারবে ।